

錢臨江先生集序

當德靖間而海鹽有錢東畬先生者其令盱
眙則盱眙之吏民師保父母之嘗練卒繕城
以遏強寇齊劉之勁故人魏恭簡公贈之詩
期以張睢陽事先生入而郎南比曹屬

人主脩八駿之役偕同舍郎力諍之直聲動
天下而先生顧遂巡移病免及其再出而郎
南祠部以至北比部所至有聲實而其於臨

江守尤著先生之守臨江不為小治辦一切以惠愛行之而事亦舉課最當遷會以不能骫骳事上官移僻得貴之思南遂乞歸歸而臨江之吏民請祠先生先生之歸幾二十年其所為德於鄉者非一以八十餘卒卒而鄉之父老諸博士弟子復請祠先生先生工屬文尤好吟咏其習先生詩若文者見以為才士及誦南曹疏者見以為直臣及臨江盱眙

政者見以為循吏及與稱鄉後進者見以為善人君子然竟莫能以一端名先生而先生亦隕然不欲以一端見名蓋去先生之沒二十年而世貞以參政旬宣其地不唯求先生之遺跡不可得而所謂賢子若永州守芹儀部郎萱者亦非人間人矣既又十年而先生之少子諸生齋率其子鄉進士應晉以其遺集來請序少間獲一二寓目焉乃作而歎曰

知人誠不易哉夫以德靖間而操觚之士負
氣而先格自稱為正宗而諸以藻麗而謀奪
之者何限乃先生不求合其藩閫而直舉天
則之所自溢為之先生之所師師心耳彼兩
家者不得而有也顧其從容舒徐之調不至
絃促而柱迫不作窘幅而舛緯其合者出入
於少陵左司之間而下亦不流於元白之浮
淺乃至它文章之為序記傳說者毋論東西

京要亦廬陵臨川之遺軌哉文中子稱古名
世之人為振奇而惜其思苦而言難至傲冶
誕碎急怨怪怒之譏不一人而足者彼誠有
所不滿也先生其可免已先生之詩余友彭
君輅為評之而其文則薛君應旂為序之即
余序何以加二君即有加而稱為知先生奈
之何竟以一端名先生也

萬曆戊寅夏四月

賜進士出身嘉議大夫前都察院右副都御史兩京大理太僕寺卿吳郡王世貞撰



錢臨江先生集序

今之藝林詞客論文若詩動曰先秦兩漢其次則魏晉六朝其次則唐而宋以下弗及也至觀其所為文若詩則率皆無本之言而模擬綴緝多不關於性情理道於世無益誠若是則何費於立言哉臨江先生錢公舉正德戊辰進士敷歷中外垂二十年以守己忤俗尋請老

以歸雖其位止于郡守不甚通顯而德政懋著信義素孚蓋賢大夫也其子芹萱後先舉進士而萱與余同年以是又稔知公賢獨其集最晚出而公已壽終萱亦謝世芹謂余知公率其弟太學生齋縣學生蒙同詣余請序余讀公集熟玩者累月乃作而歎曰此蓋有本之言也其旨奧而衍其義精而存其氣渾而

雄其詞婉而達不假於模擬而體裁中度無事於綴緝而經緯成章上下古今并包六合洋洋乎颯颯乎誠得心應手而成一家之言也所謂有本者固如是也可以訓可以風矣豈彼拘方着相者可與語此哉或謂公詩逼王孟文逼韓歐此亦似矣以余觀之公蓋直寫胸臆初亦無心於是也知公之人斯知公之

集矣夫公浙之嘉興海鹽人也嘉之人
文無論往代只今二百年來有貝廷臣
者以清江集行于世有張靖之者以方
洲集行于世非徒以其文也以其人也
矧公之為人既無愧于二公而詩若文
又若有過之者其必為世所傳無疑矣
公名琦字公良東畬其別號也嗣續多
賢繼承炳耀皆公之厚德所鍾也觀斯

集者亦當尚論其世云

嘉靖乙丑夏五月既望前浙江提學副
使年家晚生武進薛應旂序



錢臨江先生集序

余髫髮辭劔負即知海上有東畝錢先生者則起家開先人也先生以閑學邃源傳其子永州守芹儀部郎萱暨從子給事中薇竝輝曄爲時聞人而少子蒼菴相繼舒翹吐穎載世美而起均所謂鳳毛也先生以戊辰進士宰盱眙當劇盜劉七擬驅衆度淮先生畫策効死守

後爲南曹郎事 武宗上回鑿之疏大
下欽其剴直已而守臨江惠政貽蹟甚
夥民到于今思之夫何以功能召嫉則
思南之 命下而懸車請老矣先生有
意于風騷述作之業在郎署中蔚然著
稱晚而遵晦家園益鬯其蘊於觚槩所
著寔富積以成帙一日齋手遺草見示
語余曰齋懼先君子之盛懿湮泯無傳

子曷爲我序而傳之余自解褐得授永
州且誦法先生之所結撰甚浚迺不謝
而引其盲瞶云竊窺先生之文溫潤而
栗槩類韓歐而體莊意謹中苞時用闡
學摧政依孝准忠昌黎子所稱藹如者
幾是乎迺其詩春容馴雅句每天成彬
彬乎入唐人閫奧而上窺魏晉之間矣
然文之規裁粲粲披之易曉茲可無眇

論第論其詩詩固虛虛玄玄物也意興
託之乎言而風翩影閃言不能罄又音
殊節異人自爲家項者詩學充衍瀾匝
宇內逖陬鄙社競述唐與六代各耀已
之長而訾其所不學堅白矛盾孰知烏
之雌雄余恐知先生者之希也老子曰
知我希則貴矣先生旣以唐爲歸宿大
較得之少陵彼膚學淺目一泥百廢不

知作者用心自有門遮杼軸不涉孟浪
也矧詩之道浩浩淵哉辭之溟渤無窮
羣而飲者纔取其涓勺惡得以同乎已
者爲是而異已者之遽非耶仰而邈之
國風小雅古瑟之音莖露之味漢所遺
也漢樂府鏡歌道詞壯節古選不琢而
文顯易而遠晉宋所乏也晉宋之澹洽
齊梁所捐也齊梁之婉逸唐初所亡也

麟德神龍風神之俊天寶大曆易以飛
動而凡開元天寶意象之渾建中元和
移以傾露而弱大曆建中思致之激會
昌咸通更以鍛削而靡大都後之視前
技巧日益前之視後渾沌漸銷壽陵之
步非復邯鄲故跡而醇疵高下諸種亦
各有之登壇之士安所置取舍其間鄙
意則謂詩之原昉於喜之歌号悲之呻

號怨之愬憤思之寄愴故惟出諸性情
而剖瀝肝腑使人聞之而颯颯融融感
動者爲真不爾即橫厲高騁爲唐初爲
盛唐爲六朝猶然無益也而况乎其不
果肖也先生之詩多繇性情之發志存
之而後言言永之而比節其固近真也
已夫以性情入景色則景色皆性情以
蕤彩輔氣骨則氣骨皆蕤彩故脩辭之

矩難朴而易華賤巧而貴拙以愚所明
叅先生當日之指何敢必之懸符要不
至為郢人之譚燕書焉耳

隆慶戊辰孟夏朔同郡彭輅子殷撰



錢臨江先生集序

臨江先生集凡若干卷海鹽錢公公良之所
著也公以一盱眙令拒劇寇劉七使不敢渡
淮及拜南比部聞武宗且南狩乃抗疏極
諫以犯雷霆之威豈不果毅丈夫使人若不
可近者既乎出守臨江則又噢咻保抱能令
一郡有去後之思要亦其所養者盛而左右
之無不宜耳然臨江往矣不可見矣往後

集中諸作見其為人故余讀其五言詩如夜
涼天有雨秋晚樹無花又云一去隔千里百
年知幾逢寺深風度磬山靜樹啼鳥皆深遠
可喜至七言詩云江北江南數日程蕭蕭落
木送秋聲夕陽滿地鳥飛盡人在宛山深處
行則又平實而懇到有味矣其言也哉至其
為文忠信激烈如荅魏子才書褒忠祠記及
祭淮祭盱眙昭城隍文可謂矢心天地質諸鬼

神而不欺者也大都一篇一咏皆有深意無
不與古人合作蓋公之存諸中者雍容而舒
泰而出之外者從容而弘遠弘遠則知其氣
昌氣昌則驗其養盛公又不以其所養者盡
用之生平而以遺之後人故若給事中薇永
州守芹儀制郎萱皆能以公之所養建樹當
世以極一時之盛嗚呼盛矣哉公之養也公
卒之十有六年其子永州芹偕弟蘄蒙搆集

見示且以序為請也昔皇甫湜序公邑人顧况而師道胡足以序公但永州與師道同年進士也故不辭而序次其語

嘉靖乙丑歲秋八月望日禮部儀制司主事長洲陸師道撰



錢臨江先生集

品藻

唐汝楫曰先生疏叙諸體根柢昌黎而衍沛于子瞻若河出崑崙始焉演迤而來忽汪洋浩蕩為天下大觀其詩溫麗冲逸颯颯乎該覆三唐而生平懷願往往得于言外若郟城之什則又余通門託契可千載質之矣



沈思孝曰余讀高宗伯所錄河北諸寇最為詳瞻當其亂起大淮以北至無堅城惟許忠節公

能以樂陵抗賊若霍恩段豸直以身殉上蔡聚
強耳比讀錢公良先生集至守淮議及答魏子
才書乃知淮南數千里生靈實公良奪之劉邢
鈞鏐上者雖幸而不爲上蔡棗強亦不幸而不
得如霍段兩人邀歿後聲耳若所謂自憑忠義
作長城則其功固不在許忠節守樂陵下也顧
伯宗不悉其事遂無公良姓名至若執郡守劉
祥勒船渡淮亦錄中所闕則伯宗亦不足深信
也然公良守淮可謂能忘身者矣惟忘身故能

忘位斯有巡遊之疏以觸犯 乘輿惟忘位故
能忘勢斯試錄有濮園之語以迂張桂觀此則
公良乃挺勁節士也奈何元美謂不得以一端
名公良也哉

陳與郊曰予始讀臨江先生詩曰此不減王孟
已又讀序記諸文以爲卽廬陵臨川未必閱肆
若此最後讀諫巡遊疏然後置書而歎歎已復
讀不自休方先生上疏時疏者多杖伯氏裹藥
走都下密俟之不岌岌乎殆哉迺在事者不言

節氣竟用二千石處先生而先生亦恬然以二
千石行不有其節氣盛矣因竊恨今之世不復
見先生之至德又恨先生不得生今世坐致宰
衡使功名流千百載也雖然先生之二千石與
致二千石而歸之詩若文觸於物發於性情涵
演深穆絕不見毫髮感慨不平之意嗚呼其可
以功名窺測先生也邪

姚士粦曰吾鹽詩派自機雲振響華陽嗣音已
來凡中斷數百年而得一人爲方洲先生又數

十年而得一人爲東畬先生然方洲以長慶衣
鉢業爲此道出世若東畬先生則以蘊蓄沉雄
吐見洪暢蕙其孤高之韻寄其自然之真王弼
州謂其出入少陵左司之間非貌言也第余備
檢諸體如樂府五七言古之江上曲折楊柳煙
雨樓贈蔡明府五言律之孝陵牧羊圖送艾文
洪過正陽鎮悼楊太僕自靖祠渡曹娥秋原清
風嶺七言律之元夕鴈燈送崔元器王氏別業
登東塔寄吳德翼紀夢陳用明郊居五七言絕

之送人游滇南別方思道種竹守淮孫太初墓
過滁州等作其遣詞赴格穠麗幽峭則又陳正
字沈雲卿右丞嘉州之流亞也至于句法雄擅
傲人心目則有如空塔鶴夢清山深步履遲笠
外滿天雪坐久換鳴禽雨濕鷓鴣語起色白頭
人之類可謂五言長城足爲後來作祖其若奏
議序記雜文無非以公忠謀國孝義教家而礪
世磨鈍傷時嫉俗之心往往而在蓋一染翰間
卽有意于激偷風輓頹曜者也讀臨江集者當

自得之

李應徵曰夫詩言志耳志形於詩而性情之端
出焉其道與政治通而情有所不得於君父每
託詩以見意其以觸物比類飛英採藻無非攄
發性靈闡抉神理蓋古者詩生於情而後迺造
情以稱詩詩不情而情是有詩而無詩無論取
姍大雅卽浸假而語經濟而氣節理學總屬貌
言出之無端有識者均弗取也以余讀錢公良
先生詩雄沉蘊藉溢於天倪語多獨創往往情

與境會以之羽翼杜陵堂奧左司鼓吹風雅真無媿色及觀其守淮議則營平金城之亞也造士議則文翁講堂之遺也諫止巡遊疏則又朱游折檻之倫也他所著述津津大都名理卽當世昂肩緩步矢口而譚鵝湖考亭之學者且遜實焉余聞先生恂恂長者葆醇含樸故能緣感以生情緣情以寄詠而舉宇內所稱奇猷峻節經世析理之譚先生若掩而有之一真無復更贗情之所生餘皆是物也然則元美謂先生不

以一端名者其猶未得先生端之所在而尚以其緒求先生也與

屠隆曰讀臨江先生集卽無論其大篇讜議雄雋排蕩往往前無古人至于曲房小院砌草碯蟲之纖細穠柔莫不恣筆摹畫有晚近以叫喝粗豪氣籠一世者所却步也雖使公家仲文更起猶當與之先後比肩况餽釘于句字之間者乎把玩迴環正如踐瓊田入雲房采玉芝爲之泠然蕭爽

錢臨江先生集目錄
卷之一
樂府
長劍行
結客少年場
苦寒行
從軍行
猛虎行
遠游篇

錢臨江先生集目錄

卷之一

樂府

長劍行

結客少年場

苦寒行

從軍行

猛虎行

遠游篇

錢臨江先生集

錢臨江先生集

錢氏江集
江上曲

折楊柳

四時子夜歌

四首

採蓮曲

團扇曲

烏夜啼

五言古詩

登太白樓

秋日喜姜明府見過

煙雨樓

寄沈抑之

范希清見過

夢聚上人

過吳維新湖上別業

哭女

荒歲歌

送萱兒謫赴德慶

舟中閒述

慈烏篇

張子紹自嶺南送萱兒柩歸賦謝

送魏明府赴河間別駕

示從孫曜

過張廷冕

贈都下主人

鋤竹

青谿霜月爲司馬郡侯母壽

姑婦雙貞

酬馮山人見寄

七言古詩

西村老人歌

芝田驛遇雨

歸來吟

卜居爲友人作

示璋弟

天台山逢吳居士

俞隱峰道士見過

江南行

送張廷美司教嶺南

舟過沈大賓園林不得登覽

澄江歌

送異人趙道源 有序

贈蔡明府

送唐立夫

送僧歸曹谿

題茶谷開士曲水堂

賦得江路梅花送董明府入覲

送林郡丞擢南度支員外

送黃博士歸閩

節婦行 有序

卷之二

五言律詩

送章以道之梧州

省中對月

歌風臺

孝陵

題牧羊圖

入覲

宿新中驛

昌平對月

祀淮瀆神

秋風

抵瓜州

凭闌

陪劉滁洲遊龍泉寺

除夕

郊祀逢雪

夕次北固

渡揚子江

過中都有感

穀亭阻雪

宿銅城驛

白河道中

送艾文洪

送馮行甫守岳州 二首

鳳陽道中 二首

任城遇雪有懷都下諸君子

題署中畫菜

自房村抵王仲集遇雪

徐州遇何獻卿員外盛原之太僕

阻風宿王太史宅

道中有懷子姪

寄同年王侍御夢弼

淮上見新月

壽錢汝載侍御尊人

出都城

南旺早發

往潁川經臨淮

過壽州

過滁

憶公瑞弟病

西苑芙蓉

入覲宿恩縣

春日送周天成

過宿州卽事

至良鄉望京邑作

次穀亭有感

過濟上值風沙白晝如夜

赴都梁阻舟

送鄭信之守鄖陽

遊瑯琊山逢劉子正

野宿有感

過正陽鎮

寄張天瑞

送方時舉考績

送莊希曾歸省

送簡一川考績便道省覲

送莫文美太學

送陸元望叅湖藩兼得覲母

爲客

過高唐訪蔣員外不值

過河間與馬君卿鄰宿不面賦此

宿景州大霧三日不解

與毛貞夫侍御夜出河西務

宿南鎮店

驅車

陸母七十

贈孫廣文

卷之三

五言律詩

同省中諸公遊靈谷寺

獻花巖

策騎

送錢文中

京邸移居

送甘欽參守惠州

二首

楊太僕殿之諫斥方士詔獄歿作此悼

之

送姜子登還蜀省觀

移病

送同年胡汝登守寧國

二首

客館

宿大市集遇呂仲木太史

送吳憲使之滇

遊閣皂山

過河間陸良才太守衙齋

蒙山禱雨

蛟湖勘災

建自靖祠祀練公子寧

分校江西試院

過新淦羅使君宅

罷郡歸梁家閘阻淺成秀卿使君助夫

挽船賦謝

鴈字

送子芹萱會試

歸來

題陸舍人別業

李少偕明府見訪

次芝田驛

和張將軍過蒿壩

戊寅除夕

重過興善寺海公房

偕聚公宿下竺

過大佛寺復放舟湖南

九日

飲呂東之西樓

悼董羅石先生

天姥道中

渡曹娥江

參兒讀書山中寄示

對梅花感賦

東關道中

治地得定盃

贈甘員外尊人

越城懷古

送夏陞之還蕪湖

憶齋兒客金陵

贈鄭廷珮

悟空寺作

挽朱將軍

徐襄陽宅觀牡丹 二首

張節婦

題吳學博南軒

贈魏朝信明府 二首

社飲遇雪不赴寄諸友

冬日病起

贈易士美明府

凍鵲

畫牛

秋原

哭萱兒 二首

煎茶

清風嶺

蒿村小隱

卷之四

七言律詩

都門候駕

元日禁中

元夕禁中

鴈燈

田裕夫失二僕戲贈

送崔元器將軍

過王氏別業

登東塔寺浮圖

聞許汝登憲副歿難

過呂梁洪

寄吳德翼伯方

寄內

紀夢

過沈氏故居

海門寺

登閣皂山

遊牛首山

蕪山別意

春遊不赴呈陸元博

寒食

寄朱克明索畫梅二首

同部諸公集憑虛閣餞僉憲丁宗魯郡

守馮行甫汪立之江朝會是日大雨有
作

晨星

曝日

雪

中秋對雨

盱眙署中臘梅一樹三年不花今冬忽
開喜而作

送陳鳴漢太學

長陵

送李將軍

濠梁驛贈趙文實孝廉

寄白雲上人

春日書懷寄王山人

宿阜城姚媪家

送僧南歸

招玉芝上人

賦得芙蓉贈人

寄江景熙京兆

殘春

京師除夕

過許文器

春陰

同孫朝信過天壇劉道士房

送胡世高奉使歸省

別陳上舍

送周以發歸省

贈樵者

宮柳

春日徐子正南園社飲有談菜海役者
悵然感賦

卷之五

七言律詩

金陵懷古

同李臨淮重遊瑞巖

秋夜懷朱克明

姚可大夜過話別

同年會集憑虛閣余抱病不赴
江西試院與同年邢伯輿夜集

秋夜

臘日

送唐虞佐之剡城

送隱庵上人南歸

送陸公藩

送馮生還楚

金剛江集
送鄭信卿守高州

送王敷典還閩

送周比部予告還家

送貢斌

贈何俯之

括蒼道中

寄徐子元

寄公貴伯兄

寄顧尚誠叅知

送沈棲霞道士還山

聞張竹西談禪賦寄

徐州遇子姪北上

憶梅

徐襄陽席上詠珠燈得千字

宿州道中作書呈李使君

會飲文東官舍

送江朝會出守南粵

送汪立之赴鶴慶

送尉尚質司教瑞州

朱南埜社會得時字

九日與朱元素鍾彥材諸友登高分韻

得花字

送沃司教之華容

省中對雪

祝虛齋先生歸田

拜外家王氏墓有感

立春

過陳用明郊居

懷林松雲

醉翁亭次呂秉之韻

春歸

登嶧山逢兗守劉子正

送衡州吳太守赴任

拜虛齋祝先生墓

挽李雪巖

詠鷹

董蘿石偕石門玉芝上人輩結潮音社

于海門寺賦寄

送錢廷佑觀察赴滇南

送劉少府歸九江

卷之六

五言絕句

送人赴滇南

舟中別方思道

種竹

候餞董明府不至

縱鶴

湖上眺望

聽百舌鳥

歸田八詠 八首

為友人悼妾

懷雲居縉公

夏日客過

秋水

中冷泉

內子脫簪佐脩

重遊金山

惜別與襄公

書齋兒扇

王惟明見過

有感

張文英寄詠雪詩

春山

谿上作

七言絕句

陪慶成宴

曉行望岱宗

鴛湖晚泊

蕪中送客

謁練公子寧祠

過許台仲紫雲山居

白溝河

劉賊南下率衆守淮作

經孫太初墓

寄內

遊玉笥山

夜渡

褒忠祠祀宋陳公元桂趙公子孟濟鮑公

璉置田以供歲祀

漁父詞

遣懷

聚公歸西嘯庵

見故人徐禎

悟空禪房

捍海石隄爲風濤所壞當事挽石董築

作此紀之

遇同年張君用談盱眙舊事

遊開元寺

尋聚公蘭若

送友人之楚

二首

過滁州

吳兩峰鍊師見過

卽事

亳州公館

病起謝夢石上人

哭萱兒

偕林雲從孫朝信晚酌歸

卻金館作

北還有感

題裴兒扇頭紅菊

新荷

寄蓬州司教徐子元

賦竹贈魏明府 二首

雞冠花

卷之七

疏

極諫巡遊疏

乞恩養病疏

請給誥命疏

乞恤新縣疏

乞恩休致疏

卷之八

議

造士議

忠祠議

守淮議

建縣議

築城議

更治議

祈雪議

卷之九

書

答當事論守淮

答魏子材吳德翼

與袁州王太守

與萬鹿園都督

與陳天器

與鄭室甫銓部

與郡縣論捕蝗

與敖貴之比部

與陳虞山中丞

與邵天祐方伯

與夏月川大尹

與魏長松大尹 二首

與張蒙谿督學

與郭平川郡伯

與沈龍山大叅

與姚虛谷方伯

與陳用明

與崔石洲揮使

答潘成之侍御

與許九杞給諫 二首

與董從吾 二首

與玉芝聚上人 四首

答社友帖

寄蓼兒 三首

與芹兒 二首

與子芹萱

與都勻族兄瑄

與都勻族姪文華

卷之十

序

海鹽縣志序

擬江西鄉試錄後序

明醫會要序

家乘序

禾風集序

送沃麟洲司教華容序

贈袁蓼坡序

送大尹夏月川述職序

贈雪江上人序

送朱德輝宰黃岡驛序

壽張太孺人七十序

送邑侯魏長松擢河間別駕序

三賞牡丹詩卷序

贈張雪樵司教番禺序

卷之十一

記

褒忠祠祭田記

八景堂記

先塋記

遠祖墓記

祭田記

賑族田記

徐韭東醫記

贍役田記

香鑪記

半山記

牙梳記

紀僕

卷之十二

說

族譜圖說

識知孫字思卿說

贊

吳南谿先生像贊

小像自贊

雜著

原壽

斷妄想文

錢何同姓考

題禱雨錄

棠陰倡和引

壽項樵隱八秩引

菊莊詩引

跋米南宮草帖

跋范希文家書

符氏家規跋

題鶴洲卷後

卷之十三

墓誌

崔東巖夫婦合葬墓誌銘

王母沈孺人墓誌銘

明故封丘令洪公墓誌銘

谿西張公墓誌銘

皇考妣合葬墓誌銘

庶母彭氏墓誌銘

嫡孫何知暨婦朱氏合葬墓誌銘

行狀

封禮科給事中伯兄兩涯暨嫂鄭太孺

人行狀

詞

招魂詞

卷之十四

祭文

告肝胎城隍文

告東瀆淮神文

告天地蒙山文

告臨江城隍文

祭蒙山神文

祀竈遣蟻文

祭祝虛齋先生文

弔魏莊渠奉常文

祭吳南谿方伯文

祭沃南白先生文

祭祝母許太夫人文

祭邢孔江郡伯文

祭孫室齋文

祭孫吉夫侍御文

祭范孔欽文

祭李應昌主簿文

祭沈用孚文

祭僕陳鼎新文

目錄終

錢臨江先生集卷一

海鹽錢琦公良著

樂府

長劍行

君不見昆吾神鐵蒼鱗起白光貫日明秋水有時長嘯倚青天斗間夜夜芙蓉紫莫言四海風塵空願君早獻明光宮封狐肘腋忽跳躍猝迫無處尋雙龍

結客少年場

翩翩少年子意氣何縱橫寶刀耀霜雪白馬燦
珠纓春風吹楊柳道上聞新鶯招邀五陵俠賓
從相與征鬪雞東郊陌挾彈長安城薄暮入青
樓胡姬笑相迎手脫腰下玦酒換雙銀瓶綠雲
未敢度半醉猶鳴箏殺人代報仇激烈爲不平
白日都市間司隸那敢撻男兒貴狗義七尺本
自輕願縛呼韓邪不受封侯榮

苦寒行

驅馬出玉關朔漠何陰幽况當苦寒節從軍事

刀頭長飈動地來飛雪蔽天浮饑鳥號廣野狐
狸忝荒丘朔氣射金甲驚沙噴貂裘炊粲忽成
冰夜臥沙場陬天山邈雲際青海波不流匈奴
善格鬪血色殷鋌矛驃姚尚用兵白首思封侯
哀哉遠行客遠行良足愁

從軍行

虎頭猿臂虬鬚客壯氣由來萬夫敵腰下雕弓
明月張手中寶劍蓮花色長揖轅門意自誇邊
城夜半聞胡笳北風吹盡關山曲誓掃匈奴不

顧家

猛虎行

深林獵獵腥風吹咆哮裂地山木披村人奪魄
發狂叫曳尾不顧行遲遲吁嗟猛虎胡爲敢如
此我有射罔傳長矢寢處汝皮抉汝骨莫道今
無卞莊子

遠游篇

百齡算旣促九州視亦小欲向廣成子拜乞長
生道嗟噲鍊吾形後天不終老兩腋生羽翰飄

颿薄蒼昊雲霧爲衣裳日月懸旌纛赤霄亘天
路青鳥來吾導裹糧問伊何橐裏安期棗首途
若木津暫憩崦嵫表瀛海如蹄涔黑子看浮島
周流盡八紘元氣白浩浩千年一往還幾見滄
波槁

江上曲

與郎江上逢隔船不得語郎或不愛儂儂心已
相許江風爲儂殊有情吹郎歌聲落船裏郎船
先行儂船隨柳外斜陽照江水

金剛經集卷一
三
折楊柳

東風昨夜狂春色入垂楊塞北寒猶苦樓頭日
正長飛花拂綺帳翠葉比新粧玉笛吹明月年
年望故鄉

四時子夜歌

朝日照綺疏臨鏡窺新妝春風亦愛儂吹動羅
衣裳

其二

清風生夜涼素腕若冰雪何須白團扇爲儂解

炎熱

其三

明月入蘭房蟋蟀寒相語長夜不成眠秋風送
砧杵

其四

積雪蒲大道思歡不能覓不畏天氣寒畏人見
行跡

採蓮曲

綠波照新妝含情隔花語妬殺紫鴛央雙雙弄

沙渚

團扇曲

明月入君懷清光長不減不恨秋風蚤但恨炎
熱短

烏夜啼

蘭燈照空房夜長風雨淒不知枝上烏故故夜
深啼

五言古詩

登太白樓

高樓薄青冥勢可捫星斗中有謫仙人風儀長
不朽當年同賀監共醉任城酒一朝騎鯨去狂
名落宇宙明月照洸水想像重回首

秋日喜姜明府見過

偃臥門未啓忽聞人語喧野老驚客至不覺巾
履偏三年難一見十望九涕漣辛勤手著書遺
我瑤華篇眼昏意更熱讀之心茫然呼兒具雞
黍竹裏生茶煙青山來蒲座明月正在天相逢
暮秋日把酒黃花前語深燭易跋夜久情還牽

願君勗明德蜚聲薄前賢

煙雨樓

危構入煙雨勢絕雲濤踴下臨若無地憑軒覺
神悚千家置欲浮孤帆遠猶動去鳥竟天沒落
日驚波涌聊此一振衣翛然失憂寵媿無仲宣
賦借作茲樓重

寄沈抑之

日月太奔迸去人何不情富貴終蔓草賢哲垂
其名翩翩肉食子躍馬騎華纓願君薄顯晦任

彼浮雲橫

范希清見過

爲別三十載相見各自白首山水共披襟泠然遠
塵垢秋林掇落英穉子薦醇酒尊前叙故歡案
上出新有谿聲引話長月色臨軒久人生能幾
何悲歡一握手惟當續往還眼看到黃耆

夢聚上人

微月吐踈林幽懷不能已忽夢與支公跣趺竹
窓裏坐看白雲生驚風擘帷起覺來秋夜長空

山落松子

過吳維新湖上別業

踈林墮明月遠水蕩清影山鳥弄晨曦主人夢
初醒泊焉謝聲華蔬食薄鐘鼎徙倚望白雲悠
然心獨領

哭女

見汝生又歿往來何促捷幽蘭含芬芳秋風忽
吹折有形終歸盡彭殤竟何別念此骨肉情誰
能不嗚咽

荒歲歌

人皆苦荒歲昔嘗聞此語我生七十年始以此
身處去年夏秋旱火龍齧麻黍極野無青草大
地成赤土康糶斗貫錢米價不勝數四望無生
烟董根那堪煮守法寧救歿問閻忽嘯聚嗟哉
竊祿人晏晏不知懼予抱嫠婦憂中宵淚如縷
何以慰黔黎巖廊問霖雨

送萱兒謫赴德慶

晨飈吹挂席送汝去端州端州在炎徼道路何

悠悠三江漢月夜五嶺蠻煙秋地僻風獨古氣
溫冬不裘亂山遶瀧水夾樹啼猿獠獠民性不
殊所貴寬以柔安見青雲業不從瘴鄉收自茲
骨肉遠泣望天南頭但母將一硯庶以慰吾愁

舟中閒述

人畏舟楫苦我愛舟楫閒推蓬無一事長日但
看山殘編罷舒卷沙鷗任往還悠然其忘機不
覺開愁顏素月出高岫清輝弄潺湲願隨漁父
去吟嘯煙波間

慈烏篇

凡鳥皆有母離母各棄捐慈烏性至孝啞啞獨
相憐抱母出舊巢翻飛集原田啄彼紅稻粒含
此清流泉拮据自返哺日夕啼風烟似言罔極
恩報之恐不先如何梟與鴟食母乃晏然鵬飛
六月息黃鵠空摩天鷓鴣棲一枝鴉鷄枋榆前
大小徒營營愧此慈烏篇

張子紹自嶺南送萱兒柩歸賦謝

萬里捐白骨異域誰相憐豈知君誼高能越千

山煙委蛻寧吾有感激深重泉眷茲烏鳴義獨
行古所難

送魏明府赴河間別駕

與子欲分手把酒牽孤征從此邦國舉譬彼王
休徵不遭無不可况迺駕屏星丈夫志四海有
淚不敢傾終見凌風翰一舉排青冥

示從孫曜

鵬怒久不作每爲鷗鷺欺大瓠謝小用惠子焉
能知世路常逼窄青眼化成白所貴盛年子及

時須努力

過張廷冕

交親五十載相對鬢雙皤以我愁還病因君感
更多浮雲變蒼狗白日頽驚波茲晨良不易把
酒聊酣歌

贈都下主人

昔我游太學擔簦松下門披衣出見客貌古言
不文况乃委巷中負然謝囂煩相對有真趣寧
愧淳風存但能謝輪鞅何必尋丘園緬想無懷

氏寥寥欲忘言

鋤竹

此日此君醉手自鋤青玉我欲扶清風泠泠蒲
嶰谷疏泉雲根下腰鎌刈菴某日晏主人歸牀
頭酒初熟

青谿霜月爲司馬郡侯母壽

汨汨青谿流含此霜下月水流月不去清輝相
映發夫人實降精芳儀絢名閨閨推女英教
子至束髮子旣牧吾郡布政良優優總知稟高

行凜若冰壺秋瑕垢窮蕩滌光明照旁州譬納
彼蒼黎含鋪襁中游願言賦壽母庶以頌君侯
姑婦雙貞

貞風日淪墜烈節聞無聞何來彼姑婦同穴誓
彌敦之歿有垂範未亾亦前遵雖有一片月不
鑿兩心真惟此千秋譽常與天地存

酬馮山人見寄

偶從泉上游因識泉上人貽我衡門什錯落羅
星辰跡與世雖殊言辭何朴淳南山過夜雨新

金田江集 卷二
水遶谿瀕覓句上濠梁投竿動青蘋嘯引長風
入白護茅茨雲無以投所好短篇聊贈君

七言古詩

西村老人歌

南村老人壽且富屋外原田映煙樹北村老人
貴且康出門覩者蒲道傍獨有西村朱仲子家
徒四壁蓬蒿裏白髮鬢鬢一布衣閉門不出名
千里老人抗志空浮雲笑看一世爭紅塵筆底
青山自堪賣杖頭赤仄誰言貧擊節狂吟振金

石篇篇秀作芙蓉色曉起臨秋千樹丹醉後看
天雙眼白嗟此村南村北人富貴勞勞竟何益

芝田驛遇雨

赤日燒空地生焰蓬底如炊手揮汗陡見青山
擁白雲雲峰靉靄蛟龍戰轟雷驅雨若懸河船
窓面面穿白波沾裳濡足且莫惜驚風和我成
高歌須臾風定雨亦歇船頭吹浪船尾滅吟邊
淅瀝起涼颺綠嶼長林上明月

歸來吟

東畚老人罷官歸日將殘帙支空帷蓬蒿沒階
斷行轍惟有饑雀來相窺骯髀從來憎病骨束
髮還驚髮毛白無才不足言事君有子當知能
報國我不願頭白爲公卿亦不須羽化登青冥
但願尊中有酒頻相傾醉看曉月聽流鶯陶然
天地俱忘情

卜居爲友人作

桃花兩畝春水肥水邊卜築開荆扉雞犬向門
未肯入村舍女兒穿竹窺長鑿猶帶故山色短
牆初受新雨泥羊酒喧喧誰上客東畚先生髮
最白醉後出門看遠林從此頻過話長日

示璋弟

吾第五齡余十五禍凶偃蹇摧門戶堂上驚看
萎樹萱兩人彷徨哭風雨此時形影長相依鵲
鴿原上棲寒枝牀頭共臥姜肱被架上同牽汜
毓衣此情歷歷皆可記念之猶堪發哀涕人生
少小懷弟兄往往中年自乖異惟願長攀荆樹
花此義寧獨田真家

天台山逢吳居士

將門孫子翻好玄自將瓢笠何飄然此山一萬
八千丈噴瀑倒激沉青天自言曾過石梁去金
堂玉室看無數僊姝飲我帝臺漿醉臥真靈步
虛處問吾毛髮何蒼黃無乃濁世饒風霜袖中
出贈三秀草還期相見昆崙旁

俞隱峰道士見過

少年羽士索相見手持黃庭經一卷自言學道
長生家餐霞服石顏無變御風泠泠宇宙間往
來飄忽如飛電蓬萊之山太微殿羣仙一笑笑
容禱咫尺青鳥啣書來共觴阿母瑤池宴

江南行

江南風氣稱輕揚門閤往往隳膏梁由來口體
足甘繡目不識丁言文章畫船青樓振簫鼓不
事賢豪事歌舞寧知朱紱起齏鹽却視黃金等
泥土驕奢淫泆成自然冶游壯盛空流年一旦
喬松萎霜露世情寒煖不如前春花秋葉須臾
改瞥見枯埃蔽滄海青眼相看是阿誰門前惟

有青山在

送張廷美司教嶺南

鄭虔已逝不復作張君又見同襟期一官雖貧
有餘樂百代高風今在茲但使諸生飽經術何
妨妻子長愁饑嶺南此去八千里雲樹蒼蒼何
處是

舟過沈大賓園林不得登覽

名園隔野水紅亭見樹杪落日照長林喧喧集
歸鳥芙蓉出短牆似憐晚妝好晚粧遙對畫樓

開月白花香入棹來不分秋風催客去郊居吟
徹送深杯

澄江歌

江上深流清徹底江頭老人濯新水秋濤吹送
米家船青天倒挂任公餌蒲眼雲光亂楓葉鷗
鷺雙飛傍輕楫兩岍蘆花淺渚邊欲借君家半
竿月

送異人趙道源

有序

余婦患頭風十載弗瘳有異人趙道源用丹

散一七卽愈別去詩以送之

有鳥有鳥名睢鳩紅襟翠裳遨中流雙飛雙唼
鳴啾啾其雌忽病含悲愁俄有仙人來丹丘芝
囊竹杖爲少留心憐此鳥催殷憂一七遂與神
功侔羽毛還新光澤浮試翮便可凌高秋仙人
須臾歸十洲此別萬里思難酬昔聞黃雀啣環
投靈蛇遺珠報隋侯我欲報之忙尋求羽輪高
駕風颼颼冉冉飛過三山頭

贈蔡明府

蔡君少年性孤僻結屋深山讀周易自傍林泉
狎野鷗一朝受命爲巖邑爲邑能收循吏名樵
童畊叟稱神明強項生來過前史折腰那能拜
後生呼童解却青絲綬歸看門前五株柳畫個
滄洲看此身時時勸以陶潛酒嗚呼蔡君歸莫
嗔林下于君見一人

送唐立夫

春江花落春風吹持杯送客江之湄他鄉得見
似人喜此會况是平生知片帆短棹去何急殊

金剛經集卷二
方獨夜令予悲名高竹箭渺當世故山叢桂無
淹期

送僧歸曹谿

曹谿之水蕩空碧谿上松風日蕭瑟有時風靜
谿雲生悟到無聲更無色上人歸來谿上頭心
能會此莫外求儘着松風常起滅不管谿雲任
去留

題茶谷開士曲水堂

落花蒲堂曲水香閒心如春畫長門前日倚

幽人棹幽人放歌復長嘯行住總是如來禪欲
言不言曲水前遠公蓮兮支遁馬立殘春日松
風下

賦得江路梅花送董明府入覲

十月江南送行客江頭早梅千樹白飛香總爲
使君來明月蒲江疑雪色對花大笑開紅顏勸
君看花尊酒間征軺北去數千里層冰峩峩合
九關凍壑陰崖暗無底白日不到草木死好折
高枝獻至尊安得陽和盡如此

送林郡丞擢南度支員外

佐郡踰六霜攝縣彌九旬就李成蔽芾坐見天
吳馴他人歌舞厭梁肉我公庖厨飯不足他人
車馬飾紅綃我公禦寒惟布袍前年愆陽百苗
稿矯詔發倉君救饑芋去年蔽天蝗齧禾上書請
命寬催科發倉請命懷公德忽見徵書面無色
車前攀臥不得行雷如歎音雨如泣鍾山佳氣
正新秋對此安能憶舊游須念江南諸父老時
時翹首帝王州

送黃博士歸閩

江夏才名元第一威鳳卑棲在樊棘秋風蕭蕭
木葉飛絳帷愁送閩天歸古來賢豪多寂莫廣
文先生官拓落還家笑索舊青氈醉向刺桐花
下眠

節婦行

有序

林氏盱眙人錢隆妻也綺歲喪夫獨居五十
餘年以教二子遂膺旌典爲之作節婦行美
之

金剛經集卷一
春花灼爍春風徂蘭閨影傍青燈孤冰霜皚皚
五十載凍巢啣食哺雙雛雙雛一旦樹毛羽五
色翩翩共容與旌詔俄傳丹鳳門寡鵠高聲振
天宇

錢臨江先生集卷一終